

洞真太上說智慧消魔真經卷之二




洞真太上說智慧消魔真經卷之三 內三

守一品




太上告金闕帝君曰凡夫勇猛能從科戒制伏心形積功累德永成大聖要由守一本无形而能感應感至須形隨因見果一有一无无穷无極无勞无損无滅无增无咎无累无死无生无生常生常死无死无死之生生一切一切稟生資此无死无死能生生成无數守之者智慧弃之者愚癡愚癡致死而智慧保生生者可貴一切所欣欣生惡死含悉所共而求生者不生畏死者促死死生不得其道是以乘於所期不乖所期決在智慧智慧先起起知有一者生悉生相生不得忘遺不得墜過過悉求生生悉斷絕絕即為死死未由生冥冥長善識者悟之悟之不早是名无知无知陷愚下愚下難化化而不知知而不勤勤而不能久久而不能精精而漏泄是名无斷无斷墜癡癡劇不改非智慧也智慧者改迷入道捨邪還正守其生悉生相生生悉變化離合成三二曰始元也二曰元洞

也三曰玄空也下曰玄元元元空救疾消災乘空可也中曰元元元元洞延年不死除礙可也上曰始元始元元相生不絕妙有可也妙有兼三元洞空也有未能兼習空習洞習洞者修德益算延年獨則抑想偶則不施存身為本接物為末本末一名為慧也習空者立功教化救贖偶則施人獨則篤已濟物為前成身在後後前高二名為智耳習元者修德立功一動一靜物我兼濟一後一先隨時不失一疑一施生已生子生身生人人神通暢名智慧也智慧之元元極道源源本无名強號曰始始元之先以生為急急生者生物而我常生生生者不絕為道種疾愈矣消加笨无極思被无窮故一係最妙學者不知非智慧也知此一者即是始一能兼三事故稱元一次曰玄一總謂三一三一之中三事各異異而行之功德有深淺混而同會名號極宗源源一之妙不增不減不死不生而生生死極故最高最尊獨立不改而生生之人須陰陽配對一係諦識相生兩半成一一生三焉

孜孜相傳无窮已焉謂之志志此一源不得
 相滯耽色逞情弄醜逐妍淳華失素嫉妬諍
 奪非智慧也智慧者少私寡欲欲淨而不著
 欲為而不諍若欲專而略他欲此而忌彼欲
 共而爭先欲先而重望欲己有而願他无欲
 己妍而願他醜己得欲速許他欲遲會沉不
 俊離憶不遺思念我狂遠經破法不顧人神
 之責不計罪苦之來來不知改非智慧也智
 慧者守一諦定心源心源習俗定道難弘先
 當服符精密即驗



1 033 4D777



右十六符始於八節日朱書竹膜上平旦向王吞之再拜拜畢呪願隨意十六日止又朱書白素威以錦囊綴頭上五年莫一相見

右三符朱書素佩左肘於八年三一俱見又正月且青書白紙一符北向再拜吞之後以金長九寸廣四寸厚三分刻書以封山川之

邪神堂五嶽之真精也服佩符後請存三一兩眉間上却入一寸為明堂二寸為洞房三寸為上丹田號泥丸宮方一寸紫炁衝天中有日象圓九寸外照九萬里我形變化大小整條數忘身在意存之上元赤子居泥丸宮華蓋下諱玄凝天字三元先一名伯元上一名伯史華位為泥丸天帝君右有帝卿諱肇勒精字中玄一名起非一名常扶二人裸身貌如嬰兒心為中丹田號絳宮方一寸朱煙參天中有日象徑七寸外照七萬里我形變化中元真人諱神運珠字子南丹一名生伯一名史雲拘位為絳宮丹皇右有輔皇卿諱中光堅字四化靈一名幽車伯一名重史華二人裸身貌如嬰兒坐相向臍下三寸為命門丹田宮方一寸白炁衝天中有日象圓五寸外照五萬里我形變化下元嬰兒諱始明精字元陽昌一名嬰兒胎一名伯史原位為黃庭元王右有保鎮病脚諱歸上明字谷下玄一名奉申伯一名承先生二人裸身貌如嬰兒坐相向存憶三一積久

名為并存在无滯滯在違科違科則昏迷非智慧也習學之傳存神慕德未能无待者約示廉導崇日損表廉神明供養賢德申已至誠依按法制不得滂池酒為水穀之精善能宣通氣液節之者接靈益性縱之者乖神損生既洒致元非智慧也源一自然玄二成象兩无流潤和合三三一周布聖普同年感德充盈兩半生兩半成一一无窮并德好色不顧種人恣欲逞情非智慧也智慧之流知日偃月皇靈所崇生為急自弘及物傳化不休慎勿乖此二恣失和或陰陰相結或陽陽相纏或男多象女或女饒集男貴賤混雜道俗紛紜如忌念對隔絕為高致斷種滅胤墮落不毛求還未期悔所死及或男耽美女女戀華男交非妻妻合非婿夫姪邪亂正生殺乖真不能改悟非智慧也智慧清明不邪不亂故登三清玉京紫極極道之源由清所詣也一切含炁无能无欲欲有深淺事有重輕輕者相觸不止則重已无犯人人犯必受受有怨言不能釋非智慧也若尊卑内外有

相犯觸和類悅色譬喻解說流泣悲酸呵罵嗜嚇種種方便趣今得止思惟權實一引一抑勿致憤激小更成大遂不止者宿命惡深聖所未知慈念勿責靈愧不能止之慎莫出口敲靈智慧有所无奈何正是此等又不得過自耻恨奔彼不復存之或不戒視取任人縱橫无慈救功非智慧也智慧者守靜存神忘形定炁悉通无諍諍可止也忘形神存諫多從也若忘神存形利我割彼彼不信從反加憾恨久後成殃非智慧也凡有所為為道是始眾事云云皆為釐未釐未可捨妙始巨乖非妙途釐非智慧也智慧者發心動口動靜其身行道為始始善善終終不違始練心日精善行精進功德惟新不能爾者非智慧也凡立身心同口思道抱一統萬習弱尊柔江海多容故為川王能忍辱者受垢成主不堪困苦不辨穢非不任煩惱非智慧也智慧者无壞二相物我同一是非不足論論之不苛執苦樂不須辯辯之不用中行善不自伐受謗不自陳心殊此者非智慧也凡生受生

生最貴貴道重經崇師相係此為三寶寶真无價三不可偏偏則泥滯周則圓通通則濟眾樂濟由乎三尊尊體成一三應感有隱有顯有嘿有語有交有言道寶无形隱為化本經有文字顯為教端師有形言出度為法語嘿隨時長存為最要之訓度无量人敬信三寶存篤无忘齋醮招神持戒行道謹慎不虧全而无破破虧即首改往修來不重犯者必得度世不信不持不改不悔不能度世非智慧也凡聞大道誓能懃行行善不休損已濟物有文武才者以識解施人有勇力者以執勞施人有勢位財者以榮祿施人无此三者以善心施人見他佳事助之懽懽見他避事助之愁憂於彼雖无即益緣感久又相關彼有善人積祐之福已受善心隨情之報報同布施增長不休積積无虧自然有才力勢位也无此四施非智慧也智慧者行此四事為六度之先學空不空為聖證之極極不空空不空空空洞无矣无有有焉有有有无无无无无精微有有善惡有无

善惡无有精養有无相生精養相形不能究竟非智慧者了然淨明明而不耀用行捨藏凡不能剛正心治身檢口守寂三業无違道足神具沈浮自在高舉六通號為梵行高行於俗去地昇手天六度冠梵行七覺登大羅非下聖中真所可及及次仙賢者豈能逮哉至於小智大迷小惑大惑執无著有彼此相傷邪來干試不度不知遂陷退方非智慧也智慧賢者精進進功功德超殊亦得上合合則魔消宜須勇猛後身先達子諦宣之金關帝君稽首奉行

洞真太上說智慧消魔真經卷之三

洞真太上說智慧消魔真經卷之四 內四

證聖品

太上告青童君曰衆聖積功因緣致果果極證備妙姿絕倫救度三十六天故得三十六相生成八十一品故得八十一好一切大感共觀具形小感篇應各現多少少現多藏凡不能覺是以衆聖真體无定質定有常无增无減知之者希故為獨貴然志學之士通照雖未圓周至於所見隨識觀音識眉眼者矚眉眼特異識鼻目者覺鼻口超殊如是三十有六各隨識明明極識過乃具朗為一切含然同少異多多无鞅數少極乎一一未可至此同路避方須治練練多還少少未至一尚有三十六階階為一天有一巨異巨異為一天之極極三十六者乃會一源是以會之之方各立科術法迹參差或同或異異同之根以善為本本一分應成三十六三炁三界備在其中色通其外外得忘言得之三十有六三十六天各有其一絕勝之相太上備有諸天人真人仙人聖人神人各有多少諸世

間人帝王公侯至于凡庶又各有多少富貴而天貧賤而富无家宅守而有師君有宮第舍而无資待或多財寶不事衣冠或豐飭味不營屋室乃至樹下草庵名聞高顯或華堂麗苑以振芳風又有瓊臺无道石戶有德參差億緒勝負萬端上有下事下有上業因緣不同修行各異不得相非非則傷識識神全通通在玉德德玉能備諸迹可忘迹迹而迹存自然相好具足三十六則貴當才明威嚴光彩超衆絕倫宮宇城邑寶蓋床帷香花伎樂侍衛參羅文武羽翼幢鼓高宏風雲清和動靜相附日月炎光萬色衣冕百和滋味身口豐盈須與不須適意自在无上真人太一元君積學善善竟得斯斯未得者轉輪生死死生苦樂一有一无識不能通滯則失倫倫失墮惡未有遠期期還向善是今學子各精自揆何有何无求其所无不滯所有有能贖物无則自臻凡有錢財而无才解宜行布施不生怯心輕財貴道才解日新若有宅宇而无康寧宜納賢聖舍住真仙心无悔惜憂